

Resp. N. A. Nos enim contrarium ostendimus. Ad 1. itaque prob. D. Doctrina de Trinitate nova visa est et heterodoxa plurimis *haereticis*, C. catholicis N. Praefatus enim est Tertullianus, cap. II., doctrinam catholicam de Trinitate ex Scriptura et traditione praescribere novitatibus *haereticorum*, et loc. cit. affert argumenta patrissianorum, qui ea ratione dicebant novam esse de Trinitate doctrinam, qua postea protestantes novam dixerunt ecclesiae catholicae doctrinam de septem sacramentis, de necessitate honorum operum, ceterorumque articulorum, quos ipsi utpote *emendatores sacrorum* sustulerunt (1). Una semper academque extitit vafrities *haereticorum*. Et hic novum habetur specimen candoris rationalistarum in seligendis auctoritatibus, quas proferunt.

Ad 2. D. Rationem dixerunt Dei, at hypostaticam et subsistentem in Patre, C. absque hypostasi propria N. Nam ipse Tertullianus in libro citato, *λόγος* vocat rationem Patris, sed praeceps adnotat eam a Patre distinguere, etsi natura idem sit cum Patre; nec alio sensu loquuntur Athenagoras, Tatianus et Theophilus, alioquin non potuerint in Deo Trinitatem, quam expresse nominat Theophilus (2).

(1) Sic enim loquitur Tertullianus, cap. 2. *Adv. Prax.*: « A Patre Spiritum Sanctum paracletum, Sanctificatorem fidei eorum, qui credunt in Patrem et Filium et Spiritum Sanctum. Hanc regulam ab initio evangelii decurrisse, etiam ante priores quosdam haereticos, nedum ante Praxeum hesternum, probabit tam ipsa posteritas omnium haereticorum, quam ipsa novellitas Praxeum hesterni, etc. » Poterantne rationalistae impudentius mentiri? Ut autem magis pateat eos bona fide lectorum abuti, juvat proferre ea, que post citata ab adversario verba immediate Tertullianus subdit: « Se vero (haeretici qui haec nobis opponunt) unius Dei cultores prasumunt, quasi vero non et unitas irrationaliter collecta (prout colligebatur a Praxe), Sabellio eorumque assecilis, qui distinctionem personarum tollerant) haeresim faciat, et Trinitas rationaliter expensa veritatem con-titutam, monarchiam, inquit, tenemus, etc. » Hinc pergit disputare adversus hos, quos vocat *monarchianos*, et quidem *vaniissimos*, cap. 10; et postea semper de iisdem loquens, sub finem capituli subdit: « Potuit (Deus) Praxeum et omnes haereticos statim extinxisse; non tamen, quia potuit, extinxit. Oportebat enim et milvos esse et haereticos. » Sed notetur præterea rationalistarum incoherentia: paulo ante, ut vidimus ex objectione 2. loco posito, opponebant nonnisi sub seculi III exitum inducunt formulam Trinitatis, nunc nobis opponunt sub finem seculi II Tertullianum accusatum fuisse novitatis, eo quod Trinitatem induxerit. Quomodo haec inter se componantur ipsi viderint.

(2) *Ad Autolycum*, lib. II, § 45, scribens: *Similiter tress illi dies, qui ante tuminare fuerunt, imago sunt Trinitatis, Dei, ejus Verbi, ejusque Sapientie.* Et hic obiter notetur, quod infra uberiori ostendimus, a veteribus Spiritum Sanctum vocatum interdum fuisse *sapientiam*. Trinitatis vocem post Theophilum usurpatam videmus a Dionysio Alex. apud Athanasium, *De sent. Dionysii*, tom. I, pag. 255, et apud Basilium, *De Spiritu Sancto*, cap. 29, opp. tom. m, pag. 61, atque a Gregorio Thaumaturgo eidem Dionysio coeve, in *Expositione fidei*, et ab Origene, qui utroque antiquior est, *Comment. in Matth.* tomo xv, n. 51, edit. Maur. opp. vol. m, pag. 698, et a Clemente Alex., qui Origene vetustior est, *Stromatum*, lib. v, pag. 710, edit. Oxon. 1715. *

Ad 3. D. Propter novas insurgentes haereses, Tr. quasi ignorarent veram Christi seu Verbi naturam N. Nempe in clarius lumine posuerunt quod ex Scriptura ac traditione ecclesiarumque consensu accepterant. Cujus rei veritatem factum ipsum ostendit; ut enim quilibet haeresis adversus aliquod dogma prodibat in lucem, statim in illam omnes insurgebant. Cum vero serius divinitatem Spiritus sancti directe aliqui impugnaverint, hinc nonnisi serius eadem ratione, qua factum est de divinitate Verbi seu Christi, in toto seu in proposito posuerunt divinitatem Spiritus Sancti, in quam universa semper creditus ecclesia, ut ex adductis documentis patet, et clarius adhuc ex dicendis manifestum fiet.

Ad 4. Neg. Imo nemo unus ex patribus unquam confudit Spiritus Sancti hypostasin cum hypostasi Filii. Non in primis Hermas, qui in objecto loco non dicit Filium Dei secundum hypostasin esse Spiritum Sanctum, sed filium fundi, cuius explicatur similitudo, declarat esse Spiritum Sanctum; servum vero, seu Verbum servi forma indutum, esse Filium Dei (1). Atque hoc ipso in loco Hermas distinguit tres personas, Patrem, possessorem et Dominum fundi, Filium, cultorem fundi, et Spiritum Sanctum, filii familias personam sustinentem in fundo seu in ecclesia. Non Justinus, qui loc. cit. solum affirmit, Verbo Dei movente, saeros scriptores plura locutos fuisse, non ex persona sua, sed ex persona vel Patris, vel Christi, vel populorum, etc. Passim vero Spiritum Sanctum a Verbo s. Justinus distinguit (2). Non Lactantius; siquidem Lactantius in citatis capitibus nec verbum nec syllabam habet de Spiritu Sancto, de quo ibi non agit, sed solum de Filio Dei, quem Spiritum vocat, quia Deus spiritus est, et Verbum seu sermo aut λόγος de Patre procedit, ut ibi exponit idem Lactantius (3). Multo minus S. Hieronymus, qui in *Epist. 49*, edit. Maur. nihil aliud dicit, nisi Deum spiritum esse, et quod spiritus ubi vult spirat; in quo nihil est quod innuat confusione Spiritus Sancti cum persona Filii; in alio autem loco nihil pariter ad rem, cum illa sit epistola S. Augustini ad Hieronymum de alio argumento (4). Ex his omni-

(1) Cfr. Cotelerius, *Scripta Patrum Apostolicorum*, tom. I, pag. 103. Sed de hoc argumento iterum sermo erit, cum agemus de persona Spiritus Sancti.

(2) Attamen cfr. *Apolog. I*, n. 6, et iterum n. 15, ubi ait: *Quem ipsius Dei Filium esse edocti secundo loco habemus, et tertio ordine Spiritum propheticum.* Iterum ibid. n. 61 et n. 65 et alibi. En rursus sic etiam agendi rationem adversariorum!

(3) Deus, inquit, ... sanctum et incorruptibilem Spiritum genuit, quem Filium nuncuparet, initio cap. 4. Judicent vero lectores, num hoc sit confundere Filium cum Spiritu Sancto.

(4) In edit. Vallarsi epist. LXX. Tempus tererius afferendo s. Hieronymi testimonio, que ostendit agnitam a s. Doctori in Deo trium personarum distinctionem. Celebris est ipsius epistola ad Damasum, in qua petit, utrum unam an tres hypostases in Deo dicere deberet. Orta nempe Antiochiae contentio erat ex ambiguitate et vario sensu vocis ὑπερτάσσειν, ut seu loco dicemus. De hac controversia vid. Natalis Alexander, diss. XXXV, in *seculum IV*.

bus palam fit, quam infideles sint rationalistæ sub illo eruditio[n]is velamine, et quam falsa affingant antiquis scriptoribus contra expressam illorum mentem.

Ad Origenem quod spectat, ipse posuit tres hypostases distinctas, non *dignitatem*, ut vult Guerike, sed *ordine sive origine*, ut omnes catholici sentiunt; nec alio sensu potuit eas hypostases distinctas ponere, eo ipso quod ejusdem eas esse nature et essentiae affirmet, ipso Guerike fatente; non enim adeo rudis Origenes erat ut vellet ejusdem esse natura divinas hypostases, et tamen eas diversæ dignitatis assereret eo sensu quo adversarii autumant (1).

Ad id quod additur: Origenes naturæ unitatem innuit tantum D. Quia res ipsi erat adversus Noctum, confundentem tres hypostases unamque asserentem, Tr. quasi dubitaret, an una esset trium personarum natura N. Perpetuo insistebat Origenes in distinctione personarum ob haeresim tunc exortam, nunquam tamen dubitavit, an una trium personarum natura esset; sic inter cetera scribit Patrem, Filium et Spiritum Sanctum unam esse nubem, que justos obumbrat: *Quænam, inquit, lucida ea nubes et justos obumbrans?*... *An paterna forte virtus est, a qua Patris vox exit?*... *Forsitan vero et Spiritus Sanctus nubes lucida est?*... *Quin et audacter Salvatorem nostrum lucidam esse nubem pronunciabo...* *lucida quippe Patris et Filii et Spiritus Sancti nubes veros Jesu discipulos obumbrat* (2).

Similiter resp. ad aliud quod subjungitur: veram preicationem Christo non deberi Origenes docet. D. Quatenus contendebat fideles debere in precibus suis conformari praxi ecclesie, C. quatenus in Christo veram non agnoverit divinitatem N. Ecclesia enim consuevit tum in publica liturgia tum in aliis publicis precibus orationem et sacrificium offerre Patri, ut fonti totius divinitatis, per Pontificem summum animarum nostrarum ac mediatorem Christum. Hoc ipsum contendit Origenes prestandum esse a fidelibus omnibus ad unam eandemque orandi rationem servandam. Ceterum cum ibidem doceat Origenes fieri Filio *obsecrationem, postulationes et gratiarum actiones*, que profecto uni Deo debentur, patet quænam fuerit eius mens (3).

(1) Ad ostendendum Origenem aequalitatem divinarum personarum agnoscere, satis sit in medium adducere que scribit, in *Math. tom. XII, n. 20*, p. 559, de beneficio quod per Christum consequuntur qui baptizantur: *In nomine Patris et Fili et Spiritus Sancti, qui quidem tres dies sunt, aeternum simul existentes his, qui per eas filii sunt lucis, et tom. XV, n. 51, vocat imperatricem Trinitatem. Adorandum Trinitatem, tom. VI, In Joan. pag. 424, et alibi passim.*

(2) Tom. XII, *In Matth. num. 42*, p. 565: *Φωτεινὴ τὸ πατέρος, τὸν δὲ τὸν ἄγγελον πνεύματος νεφέλη ἐπιτείχει τὸν γῆραιον Ἰησοῦ μαθητὰς.* Cfr. etiam *tom. VI, In Joan. n. 23*, pag. 458 et *Hom. XVIII, In Jerem. n. 9*, p. 254 edit. Delarue.

(3) Cfr. Maran. op. cit. lib. IV, cap. 16, n. 8. Vero de hoc argumento iterum institutus sermo ex occasione canonis cujusdam africanae, qui pariter objicitur.

PROPOSITIO IV. — *Mysterium sanctissimæ Trinitatis rectæ rationi adversari nullo modo ostendi possit.*

Hanc propositionem adstruimus tum adversus incredulos, tum adversus socios et rationalistas, qui cum illis causam communem faciunt, et eo nervos omnes intendunt, ut evincant Trinitatis dogma repugnantiam involvere, ideoque rectæ rationi adversari. Ast perperam. Quod sic evincimus:

1. Indirecte: Ex dictis certum est dogma Trinitatis a Deo revelatum esse; ergo, concludimus, impossibile est, ut rectæ rationi adversetur. Deus enim sibi adversari non potest, nec proinde tradere per revelationem contrarium ei, quod nos docet per rationem, cum utriusque auctor sit.

2. Directe: Nullam possunt adversarii evincere repugnantiam in dogmate Trinitatis, nisi ostendant unitati essentiae repugnare distinctos existendi modos, cuiusmodi esse diximus divinas hypostases seu personas; sed hoc nunquam ostendere poterunt; 1. quia repugnantia ostendit non potest nisi per comparationem duarum idearum, que sese invicem excludant, ex gr. circuli et quadrati; atqui ipsi adæquatam divinæ essentiae ideam non habent, neque adæquatam ideam modorum seu personalitatum, que afficiunt divinam essentiam; ergo.... 2. quia ipsi judicium ferre non possunt nisi de iis, que subsunt naturali rationi; atqui dogma ss. Trinitatis est supra naturalē rationē; ergo impossibile unitarii est ostendere mysterium ss. Trinitatis rectæ rationi aliquo modo adversari.

DIFFICULTATES.

Obj. 1. Dogmate Trinitatis ad sanæ rationis principia revocato, neminem fugit primo omnem in Deo pluralitatem rationi aperte repugnare, 2. deinde quamlibet Trinitatis explicationem philosophicam, 3. sive unum subjectum et triplicem ejus rationem aut operationem, sive tria subjecta intelligendi et volendi (cfr. *Math. XXVI, 59*) facultate predita defendat, 4. necessario abire vel in *sabellianismi (modalismi)* vel in *tritheismi* aut *arianismi* decreta, ab ecclesiis olim damnata. 5. Semina propterea varia hujus dogmatis, que in libris sacris reperiuntur, explicari debent partim e philosophematis quibusdam judaicis et platonicis, que quidem avī incultioris indolem redolentia jam ante religionis christianæ originem divulgata erant, partim ex pio quadam in magistrum divinum reverentia sensu, quo imbuti saeri scriptores Jesu ipsius de messiana sua dignitate sententias exornarunt et amplisierunt (1). Ergo.

Ad 1. D. Neminem fugit omnem in Deo pluralitatem rationi aperte repugnare in divina natura vel essentia, C. in personis N. Hoc postremum ostendere debent adversarii, quod tamen non præstant, sed mera assertione contenti sunt (2). Monotheismus, non

(1) Wegsch. § 92 et 98.

(2) Sane adversarius, quem confutamus, ut evincat

obstante dogmate Trinitatis, semper fuit doctrina christiana fundamentum.

Ad 2. Neg. suppositum, hic nempe inquirendam esse explicationem philosophicam, quae locum nullum habet in hoc dogmate, ubi non agitur nisi de sola fide, qua credere jubemur tres distincti personas subsistentes in eadem numerica essentia divina. Explicatio philosophica non adsciscitur nisi ad ostendendum in dogmate nullam inveniri repugniam (1).

Ad 3. D. Si pro subjecto habetur essentia divina, utique unum est, cuius una naturalis est operatio, voluntas, etc. et triplex, seu potius trina ratio subsistendi; sin vero pro subjecto habeantur personae, tunc tria subjecta in Deo inesse dicimus, et in quolibet eorum propriam esse personalem intellectionem et volitionem, que notionales etiam dicuntur. Locus autem citatus ex Math. XXVI, 59: *Pater mi, si possibile est, transeat a me calix iste; verumtamen non sicut ego volo, sed sicut tu*, solum evincit duas esse in Christo voluntates, divinam et humanam, pro utraque ipsius natura.

Ad 4. Neg. Ecclesia enim catholica, que semper professa est dogma Trinitatis, neque in *sabellianismi* aut *modalismi*, neque in *tritheismi* aut *arianismi* decreta abivit; sed et antiquitus et nunc etiam ejusmodi decreta damnavit ac damnat. Quin potius dogma catholicum de Trinitate est sola ratio, qua possimus illis scopolis non impingi (2).

Ad 5. Neg. Sed ex doctrina ipsius Christi ejusque sensu traditionali, qualis semper in ecclesia viguit, *semina illa explicari debent*, si tamen semina et non potius expressae et apertae sententiae vocandae sunt. Neque patres neque ecclesia, multo minus scriptores sacri quidpiam e philosophematis judaicis aut platonicis mutuati sunt. Non est satis haec affirmare, sed praeterea ostendere factum istud deberent rationalistæ ad efficiendum quod intendunt, nec tamen probant. Contra vero haec tria explorata sunt: 1. non aliunde veteres hereses circa hoc mysterium ortas esse, quam ex eo quod voluerint earum autores ad philosophorum placita revocare simplicitatem fidei (3); 2. veteres patres, qui passim platonismi ab

hanc inesse apertam repugnantiam cum sana ratione, remittit ad ea, que scripsit § 59, at illic ne verbum quidem habet, quo ejusmodi repugnantia adstratur. Hac ratione abutitur lectoris credulitate.

(1) Recolantur superius dicta cap. 2.

(2) Cons. Petav. *De Deo*, lib. II, capp. 3 et 4; in hoc posteriori capite § 8 et seqq. illustrat nonnullorum patrum doctrinam, que ex distinctione divinarum personarum iidem ita deducunt summam Dei simplicitatem, ut Deus non esset summe simplex, nisi tres realiter in eo distinguerentur personæ.

(3) Cfr. Petav. *De Trin.* lib. I, capp. 4, 2; ac rursum cap. 8, ubi fuit ostendit nihil plane habere commune. Platonis doctrinam in illa fucata Trinitate, quam insinuat, cum dogmate christiane religionis, ac toto celo differre; quinimo merito adstruit omnes errores, qui circa dogma Trinitatis in ecclesia profluxerunt, ex Platonis et Aristotelis commentis profluxisse, quibus magis addicci erant illi hereticci quam doctrinæ a Christo traditæ. Id ipsum præstisit Domini-

adversarii nostris accusantur, summopere abhor-

nus Prud. Maran, in *Præf.* editionis opp. s. Justini, p. 1, cap. 4, ubi ostendit nec Platonem neque ejus discipulos quidpiam de Verbo, Dei Filio, suspicatos fuisse. Cfr. etiam idem auctor in opere *De Divinitate Christi*, lib. IV, cap. 4, § 8. Frustra Cudworth. *System. intellect.* cap. 4, § 36, initius vindicare Platonum germanam de Trinitate sententiam. Quoniam vero incidimus in Trinitatem platonicam, juvat observare, adversarios nostros, qui neque in Scripturis neque in primæ traditione inveniunt dogma de Trinitate, idem postea offendere fere apud omnes populos. Sane Ammon, *Biblioth. Theol.* tom. I, pag. 160, ejusdem semina antiqua populis hanc ignota esse perhibet. Pfanner, *Syst. theol. gent.* cap. 5, fuit disserit de Trinitate *Ægyptiorum*, perinde ac lablonsky in *Pantheo Ægypt.* Sic Vogel, *Ueber die Religion der alten Ægypter*, etc. sen. *De religione veterum Ægyptiorum et Grecorum*, Norimb. 1793. De Trinitate Indorum scripsit Anquetil du Perron, *Oupnekhat*, hoc est, *Decretum tegendum*, 2. vol. Argent. 1801, in-4, tom. I, pag. 8 et seqq. Sic pariter Schlegel, *Weisheit der Indianer*, seu *Sapientia Indorum*, pag. 408; Mayer, *Brahma, oder die Religion der Indianer*, id est, *Brahma, seu religio Indorum*, que est brahmaismus, Lipsia 1818, pag. 57. De Trinitate platonica vidimus egisse Cudworth loc. cit. Scripserunt præterea Tiedemann, *Geist der speculativa Philosophie*, seu *Spiritus speculativa philosophiae*, cap. 2, pag. 418 et seqq.; Tenenmann, *De divina mente ex platonica philosophia*; in Paulus *Memorabil.* p. 1; Wundemann, *Geschichte der Christlichen Glaubens-Lehre*, id est, *Historia doctrinæ christianæ fidei*, etc. tom. I, pag. 186 et seqq. De Trinitate cabalistarum plura habet Eichhorn, hoc titulo: *Secreta doctrina veterum Orientalium et Hebreorum*, Lipsia 1805, pag. 95 et seqq. et p. 165 et seqq. *Biblioth. biblica literat.* III, part. 2. (Hallenberg). Wundemann vero lib. I, pag. 194 et seqq. et Stahl apud Eichhorn, *Bibl. bibl. lit.* tom. IV, p. 814 et seqq. scripserunt super originem, quam (juxta ipsos) christianum de Trinitate dogma et Philonis *De Deo Verbo et Spiritu Divino* doctrina duxerit; apud Wegscheid. I. c. Plura alia de Trinitate, quam quidam visi sunt sibi deprehendere apud ethnicos, vide in Joan. Alberti Fabricii, *Bibliographia antiquaria*, cap. 8, n. 10, pag. 557, edit. 3. Hamburg. 1760.

Ceterum Cl. Dr. Joan. A. Möhler, in opere quod inscribitur *Athanasius der Grosse*, etc. seu *Athanasius Magnus et ecclesia sui temporis*, etc. Moguntiac 1827, pag. 56 et seqq. præclare observat, 1 distinguendam esse fidem ecclesie circa Trinitatem ab explicationibus individuorum. Fides est a Scriptura et traditione, et in eam omnes unanimiter convenient. Quomodo vero fides componatur cum rationis ideis, id non spectat ad ecclesie fidem. Discrepantia opinione, imo et errores individuorum in hac concordia instituenda non offendunt fidei. Si apologete christiane religionis fidem in Trinitatem vel divinitatem Filii invexissent, ipsimet sibi creassent difficultatem adversus religionis fidem, quam defendendam suscepserant. Nemo vero, qui aliqui cause patrocinetur, eamdem sibi difficultatem efficit. Si igitur tuebantur divinitatem Christi, ideo tuebantur, quia hanc fidem invenerunt. 2. Observat distinguendam fidem Trinitatis ab animi notione seu mentis conceptu de eadem. Illa semper firma et inconcussa manet; at si obscurus sit mentis conceptus circa eamdem, oriuntur obscuritatem in ejus expressione ac vacillatio. Hic conceptus evolvi adhuc debebat, et ad hoc opus erat contradictione heretica, et sane ex heretica contradictione ejusdem fidei notio seu conceptus evasit magis firmus et determinatus. 3. Ad has explanationes speculativas speciatim quod attinet, Patres juxta ipsum interdum se duci passi sunt ideis platonicas. Sibi visi sunt aliquam mysterii Trinitatis explicationem comprehendisse in ideis platonicis, eti obscuriora sint, que Plato de his protu-

russe in rebus fidei ab illis placitis (1); 3. eos doctrinam de Trinitate constanter repetere ex traditione divina in sacris litteris fundata (2).

Ad 6. Neg. Hæc pariter gratuita assertio est, imo et blasphema atque injuriosa sacrorum scriptorum veritati, quasi nempe ipsi voluerint omnes in gravissimum errorem et idolatriam inducere ob pium suum affectum erga Christi personam. Hoc tamen luci habemus ex hac adversariorum confessione, doctrinam Trinitatis in Scripturis contineri; quibus tamen ipsi fidem adhibere detrectant, licet profiteantur se Scripturas assumere tanquam unicam fidei regulam, ut indulgent privato suo sensui. Videant hinc protestantes, quo ducat ipsorum principium fundamentalē.

I. Inst. 1. Axioma philosophicum est: *Quæ sunt eadem uni tertio, sunt eadem inter se*. Huic vero principio directe opponitur mysterium Trinitatis; etenim Deus et persona realiter inter se minime distinguuntur; ergo si unaquaque persona idem est cum natura divina, divinæ personæ eadem erunt inter se. 2. Hinc sic licet argumentari ex illo axiomate: Pater est Deus, Filius est Deus; ergo Pater est Filius, et viceversa; et en nos in *sabellianismum*. 3. Quod si dicatur personas realiter distinguiri inter se, concludi pariter debet jam realiter distinguiri divinam naturam, ut patet ex ipsa personæ definitione tradita a Boëtio et ab omnibus theologis admissa, que est *rationalis naturæ individua substantia*. 4. Itaque, qua ratione valet hæc inducitio: Pater est persona divina, Filius est persona divina, Spiritus Sanctus est persona divina, ergo tres sunt personæ divinæ; eadem ratione valet et ista: Pater est Deus, Filius est Deus, Spiritus Sanctus est Deus: ergo sunt tres Dii; 5. imo et alia non minus absurdæ: Deus est trinus in persona; atque quilibet persona divina est Deus; ergo quilibet persona divina trina est in personis. 6. Confirmatur ex eo, quod nomen persona in se substantiam includit, ergo, multiplicatis personis, multiplicatur divina substantia; et en nos in *tritheismum* delapsos. 7. Restat igitur ut unicam admittamus in Deo personam, prout

lit, ipso dogmate christiano, adeo ut dissenserint ipsi platonici in magistris mente expona (Petav. *De Trin.* lib. I, cap. 4). Quod innocenter a patribus factum esse quisque fatebitur, qui recordetur, non ita pridem gravissimos theologos gavisos esse philosophia naturali ac gloriosos se in ejus nonnullis considerationibus invenisse argumenta evidentissima Trinitatis, Incarnationis, etc. Male tamen quispiani contendet universam ecclesiam catholicam fuisse philosophia naturali innixam. Ejusmodi idea in paucis inventebantur, et ecclesia ipsius extranea omnino erat. Id ipsum dicatur de patrum ætate. Ecclesia profitebatur in simplicitate ac fide redemptorem, ut Deum, ac beatam erat in hac fide. Quod sane patet ex confessione martyrum. Hinc patrum sensus in hac parte erat individualis. Hæc discussio pro catholicis exhibit quidem valorem *historicum*, non autem *ecclesiasticum*. Eo magis quod ipsorum discrepantia in ejusmodi conceptu, iremō teste, molestiam ipsa ætate sua ingesserit.

(1) Cons. Card. Albarus Cienfuegos S. J. *Ænigma theologicum*, 2 vol. in fol. Vien. 1717, cuius scopus est ostendere dogma Trinitatis nullatenus contradicere huic vulgato principio per se noto: *Quæ sunt eadem uni tertio, sunt eadem inter se*.

(2) Cfr. Baltus, *Défense des SS. Pères accusés de Platonisme*, liv. II, cap. 3.

(3) Vid. Petav. in *Præf.* ad libros *De Trinitate*.

unicam in ipso agnoscimus naturam, quod exprimit ipsa vox et notio Dei, quæ indicat naturam subsistente, ideoque personam unicam et singularem, 8. ut pote infinitam et indivisibilem, 9. ac omnino simplicem, quæ nec patitur compositionem, quæ ex numero personarum exsurgit, 10. nec aggregationem ex pluribus entibus perfectis diversa existentia donatis, cujusmodi sunt personæ; 11. et sic illud evitatur incommunum, quod una persona divina caret ea perfectione, quæ ab altera distinguitur. Ita fere nugatur Crelius.

Resp. ad 1. *Dist. maj.* In quo sunt eadem, C. in quo non sunt eadem N. Hinc neg. min. Personæ enim divinæ idem sunt cum natura divina, et sub hoc respectu sunt pariter idem inter se, eadem siquidem in omnibus est divina natura; at idem non sunt in modo subsistendi, seu in personalitate, qua inter se relative distinguuntur. Nam paternitas non est filiatio; et idem dicatur de spiratione. Sic ex. gr. longitudine idem est cum spatio quod afficit, altitudo pariter idem est cum spatio, id ipsum die de magnitudine, quæ ex utraque exsurgit; longitudine tamen non est latitudo, nec vicissim; quod aequa valet in magnitudine, quæ præcise neque altitudo est neque longitudine, sed ex utraque coalescit. Ac propterea negatur consequentia (1).

Ad 2. Neg. Sed solum ex dictis inferri potest: ergo Pater et Filius sunt Deus; cum in natura tantum divina unum sint, non in modo subsistendi; et en quomodo evadamus sabellianismum.

Ad 3. Neg. Ad probat. autem D. Persona est rationalis naturæ individua substantia, id est, *subsistencia*; C. substantia simpliciter N. Nec alium sensum patitur Boëtiana definitio, neque alio sensu admittitur a theologis (2).

Ad 4. Neg. et nego paritatem illationis; in prima enim argumentatione vox *persona* denotat modum subsistendi, qui distinctus et proprius in unaquaque persona est, ac proinde multiplicatis personis multiplicatur et modus subsistendi proprius: at in altera argumentatione vox *Dei* denotat naturam, quæ eadem in unaquaque persona est, ideoque multiplicatis personis seu modis subsistendi non multiplicatur natura, quæ eadem semper est, licet diversis modis affecta.

Ad 5. Neg. Hæc enim argumentatio non est nisi merus paralogismus; diverso enim sensu vox *Deus* sumitur in majori propositione ab eo, quo sumitur in minori; in majori enim usurpatur ad naturam significandam in concreto, prout in tribus personis subsistit; in minori autem prout contracta ejusmodi

(1) Cons. Card. Albarus Cienfuegos S. J. *Ænigma theologicum*, 2 vol. in fol. Vien. 1717, cuius scopus est ostendere dogma Trinitatis nullatenus contradicere huic vulgato principio per se noto: *Quæ sunt eadem uni tertio, sunt eadem inter se*.

(2) Cfr. Suarez, tom. II. *Metaph.* disp. XXXIV, n. 13, et in *Comment. in 5 part. s. Thomæ*, disp. XIII, sect. 2.

vox est ad unam subsistentiam seu personam designandam.

Ad 6. D. Nomen *personæ* substantiam includit indirecte, C. directe N. nam directe nonnisi subsistentiam significat illius ejusdemque naturæ, quæ in divinis a ceteris personis possidetur per propriam subsistentiam; ac proinde negatur consequentia. Et ea rursum quam facile catholici se a labe tritheismi mundos servent.

Ad 7. Neg. Vox autem et notio *Dei* indicat natum subsistentem D. Una vel multiplici, id est, tria subsistentia, C. unica tantum ac singulari N. Ex divina enim revelatione novimus naturam divinam trina subsistentia affici.

Ad 8. D. Et hoc ipso, quod infinita sit natura divina, plures admittunt subsistentias, quarum capax non est natura finita, C. obstat personarum pluralitati N. Hinc est quod in creatis pro multiplicitate personarum multiplicantur naturæ et individua, non autem in Deo, qui utpote infinitus potest sub diverso respectu affici, et plures subsistendi modos admittere. Ex eo autem quod natura divina indivisibilis sit, sequitur tantum personas esse indivisas, non autem indistinctas.

Ad 9. D. Si numerus qui exsureret ex partibus divinæ naturæ, induceret compositionem, C. si ex diverso tantum modo subsistendi ejusdem naturæ N. Eo magis quod modi isti non distinguantur inter se nisi relative, et identificantur cum ipsa natura divina.

Ad 10. Neg. Juxta nuper dicta; divinæ enim personæ, non diversa, sed eadem existentia fruuntur, et si modus existendi distinctus sit in qualibet persona (1), ut sæpe diximus, nec tres personæ, proprie loquendo, sunt tria entia, sed idem ens divinum tria subsistentia donatum.

Ad 11. Neg. suppositum, tum quia adhuc quæstio est, num proprietas personalis possit dici perfectio; ad summum enim dici potest eam esse perfectionem relativam, ac mixtam eo sensu quo expositum est in tractatu de Deo (2); tum quia ex identitate hujus proprietatis cum natura, quam unaquaque persona totam possidet, mediate saltem perfectiones et proprietates aliarum personarum secum habet.

II. Inst. Quo prosperiore successu aetas recentior historie, philosophia et philologiae studiis operam dedit, eo difficilis sibi persuadere potuit de veritate dogmatis Trinitatis. Itaque factum est, ut et philosophi et ipsi theologi plus minus ab eo deflectent. Imo eorum, qui formulam publicam tueri volebant, haud pauci variis modis eam sic explicare studebant, ut natura et usus dogmatis intelligerentur. Demum allii doctrinam istam nec cum libris sacris, nec cum sana ratione conciliari posse libere professi sunt. Cum igitur omnino dogmatis de Trinitate historia doceat, quicunque fuerint subtilius illud explicandi conatus, his vel ad *arianismum* vel

(1) Cfr. Petav. *De Trin.* lib. iv, cap. 1, § 5 et seqq.
(2) Infra, col. 550, ad 2.

ad *tritheismum* vel ad *sabellianismum* theologos abductos fuisse, præstat eo dimisso ad saniora nos convertere (1).

Resp. Neg. cons. Nam historia dogmatis de Trinitate, prout a rationalistis traditur, non evincit nisi 1. absolutam necessitatem subjiciendi rationem nostram in obsequium fidei; 2. protestantismum suo fundamentali principio de omnimoda independentia rationis a legitima auctoritate divinitus constituta viam aperuisse omnibus recensitis aberrationibus, 3. theologos, quorum adversarius meminit, non esse nisi protestantes, qui hac in parte ipsorum *Emendatorum sacrorum vestigia* secuti sunt, et facto ipso ostenderunt, unicam viam ad tuendam fidem esse ecclesie auctoritatem; 4. omnes plus minus errasse, quo longias a tali auctoritate deflexerunt, ut spiritus privati commenta sectarentur; nec posse nisi per redditum ad eam ecclesiam, quam eorum majores reliquere, fidem, quam amiserunt, recuperare; 5. non studium historie, philosophiae ac philologiae recentiorem (protestantismi) ad incredulitatem circa hoc mysterium alia christiana religiosi dogmata deduxisse, sed abusum ejusmodi studii, et malam fidem eorum, qui eam historiam consecati sunt, prout ostendimus.

(1) Wegsch. § 91. Quid sentiant sansimoniani de Trinitate, expositum a nobis est in tractatu de Deo; quid vero sentiant ipsum fratres nuperi templarii, placet hic exponere ex ipsorum codice, cui titulus *Levitikon, ou Exposé des principes fondamentaux de la doctrine des chrétiens catholiques primitifs*, Paris 1831, (sic enim impii hi homines se vocant, non contenti profiteri cum sansimonianis pantheismum et autotheismus). Pag. 65, legitur: « Dieu est composé de trois puissances, savoir : Père, Fils et Esprit. Dieu Père est l'être infini, composé de tout ce qui est. Dieu Fils est l'action, produit de la puissance éternelle du Père ou de tout ce qui est, produit infini, qui se manifeste sans cesse en tout, pour tout et partout, et dans l'ensemble de toute ce qui est, et dans les modifications infinies et perpétuelles que subissent les parties de tout ce qui est. Dieu Esprit est l'intelligence, produit de la puissance du Père et de la puissance du Fils, produit infini, qui constitue l'intelligence de l'ensemble ou réunion de tout, et les modifications infinies d'intelligence de l'infini des parties dont se compose cet ensemble ou grand tout, etc. Les trois puissances dont je viens de parler, ne pouvant pas exister l'une sans l'autre, forment dans leur trinité une puissance infinie, une et indivisible, qui est la puissance universelle ou Dieu. Conséquence : chaque portion du grand tout, ou Dieu, devant nécessairement participer aux puissances de ce même grand tout, ou Dieu, chacune des portions infinies du grand tout doit nécessairement jouter d'une portion de son existence, de son action et de son intelligence infinies, quelles que soient d'ailleurs les modifications auxquelles peut être soumise à l'infini chaque portion du tout, tant par rapport à sa manière (état ou puissance) d'être, que par rapport à son état ou sa puissance d'action ou d'intelligence. Je crois à la vérité de la religion catholique, qui nous a été transmise par Jésus, etc., En novum philosophem, quod valde arridere debet nostris rationalistis, si quidem et templarii protestantur se credere in Deum et Jesum Christum, sed ad saniora se converterunt, nempe pantheismum : et in hoc agnoscunt Trinitatem. En quo deveniat humana ratio sibi relicta.

CAPUT III.

DE VERBI SEU FILII DIVINITATE ET CUM PATRE CONSUBSTANTIALITATE.

Etsi valde affines sint errores veterum arianorum et socinianorum, aliquod tamen inter eos discrimen est. Etenim veteres arianii directe impugnarunt divinitatem Verbi seu Filii, ejusque cum Patre consubstantialitatem, ideoque indirecte divinitatem Christi; recentiores autem sociniani directe impugnant divinitatem Christi, indirecte autem divinitatem Verbi.

Rursum arianii, prout omnibus hereticis contigit, nunquam sibi constiterunt; ab initio enim Verbum creaturam dixerunt, et in tempore conditum; postea vero creaturam quidem, sed ab aeterno procreatum ex non extantibus autumarunt; magis deinde magisque a primavo errore deflectentes, divinitatem etiam ei tribuerunt, sed inferioris dignitatis, et diversam ab ea, quam Pater habet; sed nunquam ad ducti sunt, ut ipsum Patri consubstantiale profite rentur (1).

Semariani juxta recentiores criticos veram fidem circa Filii divinitatem tenuerunt; sed in eo peccabant, quod abhorrent a voce *ἐποντός* seu *consubstantialis*; ceterum circa dogma recte sentiebant. Hinc est quod inter orthodoxos passim jam recenseantur (2); etsi a pervicacia excusari nequeant in rejicenda fidei tessera, ab ecclesia consecrata ad secerne dos catholicos ab hereticis (3).

Rationalista et biblici neoterici omnem arianam

(1) Cfr. Petav. *De Trin.*, lib. I, cap. 7 et seqq. Vide etiam Chr. Lupi *dissertationem proæmialem ad Syn. Nicen.* tom. I, opp. cap. 12 et seqq.

(2) Cfr. Nat. Alex. diss. 14, in sacc. 4, *De voce ἐποντός*, ubi exponit diversum sensum, quo vox ista accepta est: tum addit, per eam exprimi fidem Nicenam aquæ ac voce *ἐποντός*, quosdam episcopos contendisse, ac semarianos dictos hac de causa, quod vocem *ἐποντός* respuerent. Hos autem recte de fide sensisse, ac proinde catholicos fuisse. Cons etiam Maran, op. cit. lib. II, cap. 6, num. 5 et lib. IV, cap. 52, ostendit falso cognomine semarianos dictos fuisse episcopos illos, qui vocem *ἐποντός* re jiciebant, quem in dogmate catholicico adstruendo cum ceteris omnino convenientem. Hic ipse doctissimus auctor jam pridem, nempe anno 1722, dissertationem ediderat *Sur les semiariens*, in qua novam editionem operam s. Cyrilli Hierosolymitan, a P. Touttè adnotatam, defendit adversus censuram PP. Trevoliensium, in iis quæ ille scripsit in diss. I, premissa operibus s. Cyrilli, presentim cap. 5.

(3) Res semper periculi plena est, velle a recepta et consecrata ab ecclesia loquendi formula recedere. Hæc enim unica fuit ratio, quare in suspicionem arianæ heresios venerunt apud non paucos Patres episcopi illi, qui nunquam vocem *homousion* adoptare voluerunt, etsi dogma per vocem illam expressum, ut dictum est, proferrentur. Quanquam enim verum sit, quod S. Hieronymus scribit in *Dialogo adversus Luciferianos*, num. 34: *Non erat curæ episcopis de vocabulo, cum res esset in toto, quia, ut optime animadvertisit S. Gregorius Naz. Epist. xxvi, non in verborum sono, sed in sententiis veritas est; atamen certum est, ecclesiam semper sollicitam fuisse in sartis teologis custodiendis nonnullis formulis, juxta Apostoli monitum, n. ad Tim. I, 15: Formam habe sanctorum verborum; eo vel maxime, quod heretici et novatores omnes sub ambiguitate quarundam vocum,*

impietatem et socinianismum non solum amplexati sunt, sed extenderunt, ita ut ariani et sociniani praestis pī ac religiosi videri aliqua ratione possint. Nam non solum Christum ut purum hominem cum photinianis et samosatenis traducunt, sed eo progressi sunt, ut dicant, Verbum seu Dei Filium non aliud esse nisi quoddam Dei attributum, non autem personam subsistentem; Christum vero ut *Theurgum* passim habent, qui se accommodavit præconceptis populi sui ideis, nec valuit ab omnibus erroribus popularibus contribules suos abducere; aliaque his similia blasphemantes effutunt.

Quæ directe spectant ad Christum ejusque divinitatem reservantes ad tractatum de Dominica Incarnatione, hic nos tuendam tantum suscipimus Verbi seu Filii divinitatem, ejusque cum Patre consubstantialitatem, etiam ei tribuerunt, sed inferioris dignitatis, et diversam ab ea, quam Pater habet; sed nunquam ad ducti sunt, ut ipsum Patri consubstantiale profite rentur.

Ne vero propositiones absque necessitate multiplicemus, in tuto posita veritate fundamentali divinitatis et consubstantialitatis Verbi seu Filii, sive ex Scriptura, sive ex sensu traditionali, per modum collatoriorum deducemus ipsius peculiararem subsistiam, et veritatem ac rectitudinem Nicenæ definitionis. Sit igitur

PROPOSITIO I. — *Verbum est vere ac proprie Deus et Filius Dei ac Patri consubstantiale.*

Hæc propositio de fide est, ut patet ex symbolo Nicenæ, quo jubemur credere in *Filium Dei unigenitum, ex Patre natum ante omnia aeternum, consubstantialem Patri*. Sie vero ejus veritatem evincimus: 1. Ex demonstratis, in praecedentibus propositionibus tres sunt in una eademque divina essentia persone distinctæ, Pater, Filius et Spiritus sanctus. Ergo, concludimus, Verbum est vere et proprie Deus et Filius Dei ac Patri consubstantiale. Hinc illa omnia, quæ illuc adduximus, tum ex Scriptura, tum ex traditione ad demonstrandum dogma ss. Trinitatis, Verbi patriter seu Filii divinitatem, ejusque cum Patre consubstantialitatem pariter demonstrant.

2. Directe præterea id evincimus ex iis, quæ Filium peculiariter afficiunt, quibus jam allata majus robur accipiunt ac firmitatem. Ac primo quidem huc spectat initium Evangelii s. Joan: *In principio erat Verbum, et Verbum erat apud Deum, et Deus erat Verbum; hoc erat in principio apud Deum; omnia per ipsum facta sunt.* Ex his habemus quatuor: Verbi aeternitatem, erat enim in principio seu ante omne tempus; habemus Verbum distinctum a Patre, si quidem erat apud Deum; habemus ejus divinitatem, nam Deus erat Verbum; habemus denique virtutem ejus creatricem, etenim omnia per ipsum facta sunt.

Huic evangelii initio congruunt omnia, quæ in ipsius evangelii decursu de eodem Verbo carne facta dicuntur et ita connexa inter se sunt, ut illo positæ in quæ optimum sensum præ se ferunt, soleant se tegere, et sic ineautis venenum propinare.